


廬陵縣志

地
250.141
36

地 250.141
36
21~28



廬陵縣志序



邑之有志猶國之有史也古之
稱良史者惟董狐以其直筆無
隱厥後馬班亦足多焉有宋朱
子知南康軍首詢郡志識者謂
知所先務顧茲廬陵一志烏可
緩耶廬陵者其地東控臨川西

引長沙據三江之上游達五嶺
之揔滙實為江省扼要之區更
擅章貢交會之勝自有志乘修
廢不一最後山陰平君所輯迄
今四十餘春山川猶故人物推
遷歲序遞更習風變易而徵文
考獻慮有闕如適於道光癸未

程大中丞有纂輯通志之檄一時
賢邑宰爭相董事而邑紳之文
而賢者亦相與有成也今夏余
自橫浦移守吉州覽江山之雄
秀物產之繁滋風俗之樸敦人
文之瑰麗宜其風氣近古歷宋
元明而於今弗衰其中之重名

節崇信義尚文教樂輸將又誠
屈指更僕而莫窮其數計也維
時蕭瑞華之獨建試署蕭魁斌
之重葺書院後先輝映動以萬
計殫心畢慮締造精營得此於
時蓋寡若敦懿行於媻睦操潔
履於閨閫播之口碑登諸汗簡

聖

又彰彰如是信乎歐陽永耕文
信國之流風餘韻浸淫於山巔
水湄而蘊釀以成此休歟洪惟
我

朝

聖相承重熙累洽休養生息百八十

廬陵縣志

序

三

餘年鼓腹恬嬉不知帝力懷生
之眾靡有闕遺由此宰斯邑者
將何如之勤治理躬化導懷忠
履潔父母斯民焉生斯邑者將
何如之滌澆薄抱樸醇先疇舊
德孝秀堪風焉後之視今亦猶
今之視昔使來茲載筆者亦如

斯之咨嗟歎賞不置也豈不懿哉前余忝職

國史深愧弗文茲屆志之成也賢邑紳又問序於予予不獲已聊綴數語極知鄙拙儻舍其文而取其意未始非敦本善俗之一助云爾

昔

道光闕逢涪灘陽月下浣

賜進士出身

朝議大夫前翰林院編修 文淵

閣校理 咸安宮總裁 國史

館纂修庶常館提調 奏辦院

事

高授江西南安府知府事

特調吉安府知府事隨帶加一級紀

錄九次三韓銘惠禹民氏撰



廬陵縣志

序

五

序

余宰廬陵之三年奉

上憲檄修志乘邑劇事繁溥書
旁午并日兼營設何容易則
惟遵發章程以諭諸紳士紳士
頗難之謂以邑人紀邑事耳目
固自有真以邑事傳邑人好惡

廬陵縣志

序

一

安必盡協縱監於前恐謬其後
余乃言曩者于公作志固云衡
鑑家當平心恕人操觚家當公
道任事昔蕭中令嵩撰唐史因
於吳兢使其漫無折衷則因之
何益劉知幾史通極詆前之作
者究不能自成一書則詆之何

益茲邑志已三修矣惟本于公
之意訂舊編新烏得以難辭哉
於是紳士唯々余因鄉擇一人
以禮聘延開局分纂且倡捐廉
俸以供薪米之費規模粗定而
余旋以事去官繼任陳公馬公
斟酌加詳董率厥事踰年而通

志底稿告竣又踰年而縣志全
稿告竣今任札公實釐爾成焉
紳士以余為經始請言以弁簡
端余考輿地一書惟唐李吉甫
元和郡縣志為最古宋樂史譏
其漏缺撰太平寰宇記備列入
物藝文而體制一變自是類例

遞增紀載彌詳凡夫忠臣義士
理學文人孝子悌弟貞女節婦
上至天文下及鳥獸草木靡不
因地焉繫之顧其獎風化而資
考證者所函洵鉅今
國家久道化成都邑相望邑邑相
屬食德服疇比戶可封廬陵大

江以西之鄒魯沐浴

聖天子之教澤優游漸漬以恬以熙
鼓舞而不倦幸


大憲徵文考獻嘉與邦人士續
編志書以垂典則茲邑紳思其
艱以圖其易矢公矢慎無濫無
遺而宰斯邑者得受其成而裁

定之要以邑事勉邑人典型匪
遙繼起斯在行且論文章當如
歐陽文忠公建勲業當如周益
國公勵直節効忠蓋當如胡忠
簡公文信國公斯衡鑑家靡不
歎想其人操觚家奕世猶爭傳
其事者也詩曰維桑與梓允恭

敬止又曰高山仰止景行行止
願為邑人士勛焉

道光五年乙酉秋月

勅授文林郎知廬陵縣事梅大鶴撰



序

事有前人為其難後人為其易而卒不能無待於後人者志之脩是也廬陵為西江名邑自歐陽文忠胡忠簡周益國文信國以文章氣節彪炳宇宙後先相望代有聞人宰是邑者穆然想

廬陵縣志

序

前哲之風徽焉竊意英賢萃於一邑則志乘亦宜甲於他邑考舊志明初僅四卷明中葉續脩之亦畧而不詳入我朝而教澤涵濡典章具舉一脩於于前令藻再脩於陸前令在新三脩於平前令觀瀾炳炳麟麟

較前志為明備矣顧自乾隆辛丑至今志之不脩者四十餘年其中戶口之盈虛賦役之增損城郭宮室陂池溝渠之廢置與夫名儒碩彥孝子節婦之懿行竒節凡有關於政治風俗者均宜重加蒐輯以備采風旋圖於

癸未夏承乏是邦因前任梅公大鶴陳公徵芝所輯志稿彙而成之門分十六卷凡四十八訂舊編新秩然不紊蓋邑人士之力為多而余亦加之釐正焉夫以平前令視陸前令易矣以陸前令視于前令又易矣以余視

三君子抑又易矣而况有梅陳
兩前任之創始乎韓子有云莫
為之前雖美弗彰莫為之後雖
盛弗傳竊願後之官斯土者知
前人之難而不敢忘後人之易
使此邦之文獻相維於不墜是
則余之厚望也夫

廬陵縣志

序


三

道光乙酉孟春月

穀旦

勅授文林郎知吉安府廬陵縣事西

秦馬旋圖撰



序

吉郡古稱聲明文物之區其間山川之壯麗戶口之繁衍風俗之淳美甲於他郡故生於斯者持節操能文章卓然挺出代不乏人而最著者莫如宋廬陵之歐陽文忠公文信國公廬陵者

古之首邑也山水人文又非他邑比信國公以状元宰相為宋三百年表士之報尚矣至如文忠公所作五代史典夫詩古文詞皆能拔世翼多有裨人心如日月之經天江河之行地故千百年來與至忠節並傳不朽文

行所闕洵鉅矣哉今年春予奉
檄攝篆於土下車以來即思徵
文考獻相與訓俗宜民蓋主持
風教興革利害有司之責也適
邑人士新輯志乘告成而問序
於予。惟志也者史之一體而
實具乎史之全體也夫大史天

官藎臺地理固屬祿祥占候山
川沿革所由昉至若史之有河
渠也而水利因以考焉史之有
食貨也而田賦因以詳焉史之
有官氏靈徵也而秩官與祥異
曰以紀焉他如為封爵為人文
則通乎史之表為名宦為列女

為方技則兼乎史之傳志也史也一而已矣上之可以備

國家采風問俗之賢下之可以為士民觀感興起之藉故三代之世設職方官掌天下地志不充身歷至境而邦國都鄙山川形勢與夫貢賦物產班班可指職

是故也而後之生斯土者覽之見某也忠某也孝某也節義政思以法則之官斯土者覽之見某也循某也良某也政教復思以崇尚之吏治民風蒸日上升則其志也豈徒侈記載備叅稽而已哉實考鏡得失之林也

昔江文通云作史之難莫難於
志旨哉言乎予公餘之暇披閱
再三見其元之牽之志天文則
列星燦於行間志地輿則形勝
列於紙上志人文則同風馳於
簡端志忠孝節義之盛則芳躅
匪遙志文章德行之高則前型

未墜是誠一邑之信史矣而且
刪繁就簡崇雅黜浮一切詩賦
及詞皆能慎以志焉不又文質
之彬之乎出其沐浴於鄉先輩
之遺澤者深故其見於語言文
字者至當而不易方今
聖天子化民成俗稽古右文邑人士